



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Carminvm Iacobi Albani Ghibbesii, Poetae Lavreati  
Caesarei, Pars Lyrica**

**Gibbes, James Alban**

**Romae, 1668**

Liber Primvs.

**urn:nbn:de:hbz:466:1-13378**

IAC. ALB. GHIBBESII  
POET. LAVR. CAES.  
**LYRICORVM**  
**LIBER PRIMVS.**  
**AD CLEMENTEM IX.**  
**PONT. OPT. MAX.**  
**RECENS CREATVM.**

**O D E I.**

*Augustissimam eius inaugurationem commendat, non spē  
tantūm, & ex umbra vaticinij Sidus Oloris futuram,  
sed etidem reapse diuinum venisse Cygnum ex Helico-  
ne. Deinde ad alias eiusdem procedit laudes singu-  
lares.*

 Venit albâ Numinis alite  
Fatale carmen, Sidus Oloris : hoc  
Instabat appictum cubili ;  
    Hoç tacitis dabant antè signis  
Orbis parentem . Quid, quòd apertiùs,  
Ambage missâ , **RSPIGLIOSIVM**  
Dulci salutârunt Camœnæ  
    Ore cycnum, tremulóque plectro ?  
Sed non, vt olim, fas erit eloqui  
Gentile nomen : se videt alterum  
    Iam dedicatus : nec Quirino  
        Romuleæ placuere voces  
Diuûm sodali : sic Icelon colit  
Idem Phobetor ; Leucotheæ sibi

A

Mu-

2 IAC. ALB. GHIBRESII

Mutata nymphæ cedit Ino ;  
Xanthe, parem refugis Scamandrum .  
Haud res easdem cælicolæ exprimunt  
Verbis eisdem . Differimus modo  
Plerumquæ sublimes & imi  
AEtheream celebrare gazam .  
Nobis vocatus nomine IVLIUS ,  
Auctoris alti sorte vicariâ ,  
CLEMENTE vertis, (sic Tonanti  
Perperuo, placitumquæ stellis )  
O NONE, suppâr cui nihil, aut prius ,  
AEquaie quidquam continet ambitu  
Diffusa tellus, iusti honoris  
Promeritis, solidâque laude .  
Claram & fidelem iudicij notam  
Hic ipse de te prodidit aureo  
Mensis lapillo, cùm magistrum  
Purpureus legeret Senatus .  
Cùm tu decoris arduus infulis ,  
Pallaque fulgens, & lituo graui ,  
Supremus exires Latinum  
Misius in imperium Sacerdos .  
Huc, vndè rector nosceris vnicè  
Custosquæ mundi, seu gladium incidit  
Vibrare Paulli, seu maritas ,  
Arma Petri, soluisse claveis ,  
Verendus æquè . Te genibus minor  
Plebs sanctum adorat, te tumidi pauent  
Ducesquæ, Regesquæ explicantem  
Tergemini sacra signa regni .  
Nam quid tiaræ iure valentius  
Partes in omnes, si benè creditur  
Recto pióque ? imponet axi  
Fræna; nigros quatiet recessus .  
Nil mirum, & istos terrigenum greges  
Si voluat vnâ . Rex decus hospitis  
Nôrat Philippus, nominandam  
Quandò dedit tibi Margaritam .

Iam



Iam tunc Iberæ mysticus ut pater  
 Gemmæ, capacem fingere cœperas  
 Lustrando fortunam Parentis  
 Ausoniæ dominantis vrbis.  
 O meta votorum alma, Quiritibus  
 Extorta flexis ! ô genus imperi  
 Cœleste ! mensis ô beate,  
 Qui cumulas bona cuncta, Iuni.  
 Fies fauentum tu quoquè luminum,  
 Addenda fastis lux Capitolij ;  
 Lux pulchra, festiuæ creatrix  
 Lætitiae, calidique plausus.

## AD ALEXANDRVM POLLINVM.

*Deteſtatur anguillam, quam Comaclij ederat, causam  
 grauiſſimæ nephritidis.*

## ODE II.

**N**E quærant rigidi saxa triumviri,  
 Neū ſcalam gemitus, neū corium bouis  
 Damnato capiti; vel miserabiles,  
 Expectare velint aut Scyron exules  
 Infamem ſcopulis, aut grauis Olbiæ  
 Sardöas nebulas, aut loca Pontica.  
 Mortes ſufficiet Lerna Comaclij,  
 Serpentum genitrix, pectoribus pares;  
 Seū mactare diū, ſeū breuis incidit  
 Tormenti pietas, lædere dextera.  
 Horum, prò Superi, viscera ciuium!  
 Væ nî, quæ misero ſpicula lancinant  
 Ventrem? quod ſtonacho virus inhorruit,  
 Motâ bile furens, fellea concito  
 Ut cogat vomitu reddere flumina?  
 Anguillæ tumidam nomine coniugem  
 Demisi colubri? nûni memor indolis  
 Eruptura latus findere viperæ

A 3

Lu-

4 IAC. ALB. GHIBBESII

Luctatur, solido dente ferocior?  
Infelix perij, quicquid id est. Malo  
Certe saga dapes Thessala fascino  
Conduxit, vel acus pungere ductiles,  
Pistiuè apta vitri fragmina rodere  
Supponens, fluidis inuida lancibus.  
Non tantus Meleagro hauserat ilia  
Languenti dolor ad stipitis exitum  
Fatalis : nec erat tam ferus hospitum  
Mensor cum trabibus latro Corinthius.  
Me percellit adhuc supplicij genus  
Quamuis præteriti, bellua cum loco;  
AEternaque odium nutrit imagine.  
Qui te pro placidi dotibus ingenii  
Non, POLLINE, colit gnauiter, hoc precor  
Vefci possit iners angue Comaclij,  
Pœnas & similes pendere Gratijs.

FERDINANDO FVRSTENBERGIO.

*Qui carmine deflebat Sidronij Hosschij, præclari poëta,  
mortem.*

O D E III.

G Loriam quisquis iaculatus ultra  
Orbis ignotas penetrauit oras,  
Quid mori cessat, grauiore tantum  
Parte superstes?  
Optimum nostri bona, crede, fama est:  
Spiritus magni soboles inertem  
Corporis glebam fugit, ac beatos  
Occupat ignes.  
More præstantes subiere tali  
Culmen herœs Superuni; reductos  
Siq tenent clari, loca læta, campos  
Carmine vates.  
Hosschius laudis, meritique plenus

Vixe-

LYRICORVM LIB. I. §

Vixerat Phœbo satis : ille dudum  
Nomen, emenso Phaethontis axe ,  
Protulit astris .

Cessit hinc iussa taciturnus horâ ,  
Impotens quicquam cumulare maius .  
Fas erat, quandò requieuit actus ,

Claudere scenam .

Tu, velut crudum cecidisse fructum  
Mollibus cantas elegis, & atram ,  
Et feram semper rigido lacefissis

Nomine Parcam .

Nosquè lamentis, miseræquè casu  
Sortis admisces, chorus æger vñus ;  
Nos & iremus (modò res vocaret)

Flere sodales .

At grauem planctum facit ipse ludos ,  
Ore cœlestis, nimiusquè tangi .  
Næniam læto, bone FERDINANDE ,

Verte triumpho .

AD ALOYSIVM CARD. CAPONIVM.

Literarum monumentis vel præesse, vel fauere Princi-  
pes, decorum maximè atquè regium. Hinc ei de Va-  
ticanae Bibliotheca noua præfectura gratulatur.

O D E . IV.

F Luxi strenua temporis  
Vindex, præcipiti sidera Pegaso

Ad nos, Mnemosyne, seca, &  
Regnum nosce tuum, Castalidum parens .

Debebis nihil ætheri ,  
Contempto potius numen Apolline ,

Ascræi populis iugi ,  
Doctas inter amans ludere virgines .

Quantum afflare grauis potest

Vir mutis animum corquè scientijs

Tomus T. A. 3 Blan-

5 IAC. ALB. GIBBESII

Blandi luce supercilii !

Sudum Musa cupit : nubibus auolat ,

Turbato minimum Deo .

Sed cur ex oculis illa Quiritium

Posthac deliteat, duce ,

Auri qui reuocat secla, CAPONIO,

Tusci ritu equitis ? cui

Si Cæsar poterat, vim quoquè sufficit

Illi non minor arbiter

Tyrrhenis etiam regibus edito .

Vno, credo equidem, situ

Astrum vtrumque tulit, non populariter

Nascentes hominum bono .

Troianas quis opes, & miserabilis

Sciret funera Pergami ,

Romæ principium; vel facies nouas ;

Aut hoc, quid Latium lyrâ

Posset : ni calidam prodigus indolem

Mecænas liquido Ioue

Munifset iuuenum? Mincius ut rubra

Sub gazâ gemeret, nequæ

Pomis Hesperijs Angitiæ nemus ,

Lydonæ Aufidus agmini ,

Riparum pretio cederet insolens .

Gaude sorte, Pater, tuâ ,

Et virtute pari. Tu, cumulos super

Laudum, primaquæ munera ,

Desert Ausonius qualia Pontifex

Raris Consulibus, toga

Quos bis tincta beat muriçæ Punica ,

Post Quæstoris onus pij

(Pleno curta fides à numero venit

Plerumquæ) ut foret omnibus

Mirum : post saturæ iugera Felsinæ

Leges culta per optimas ,

Illuc dante Numæ sceptra viçario :

Defunctusque pedo sacer

Pastor præcipui, quæ patet Adria ,

Templi

Templi, non sine tænijs :

Tu poni columen reris honoribus ,

Extremamquè operi manum ,

Si Musarum adytis futile segreges .

Vulgus, nec celeres pati

Damnum stare finas Mercurialium

Libros, reliquias virūm ,

Blattis, aut pluteos rodere muribus .

Ergò præbuit INNOCENS

Voto candidam Auem, nunc dominam imperi ,

Cùm te Socratīci laris

Custodem statuit, Petrus vbi arduis

Cœlum molibus impedit .

Quoquo Palladio nomine cœtui

Profis, Iupiter es : parùm

Doctrinæ auxilium distat : inertiam

AEquè, qui renuit potens

Tutari, fatuo gentibus indicat :

Ast hunc posteritas minùs

Vexabit . Moritur fur homo, vel Deus ,

Obstrictus generi suo .

Magnis cultum, & opes addere paginis

Regum est ima negantium .

Olim cauerat hoc mens Ptolemäica ,

Eius, cui placidum dedit

Nomen fratris amor, Memphis adoream ?

Regnamus : ramen impiæ

(Dixit) nûm Lachesi parcior it colus ?

Nûm nostri tesugit metu

Crudelis Libitina, & Styga protrahit ?

Frustrâ : pat mouet amphora

Cunctos; prima vehit nomina portitor .

Quòd si nec solij decus ,

Nec centum Phrygijs pendula postibus

AEdes, nec chlamys aspera

Signis barbaricis perpetuat diem ;

Non æs vultibus oblitum ,

Incisæ cœuis Pyramides notis ;

## 8 IAC. ALB. GHIBBESII

Cur æui spatum breue  
 Non tendo meritis, atquè nepotibus  
 Vnuam linquo potentiam?  
 Cur Nili calamis demoror amplius  
 Adscribi patriæ pater,  
 A Eternum validis fallere seculum?

AD FRANCISCVM MAIDALCHINVM,  
CARD. ADOLESCENTEM;

*Phantasticorum Academæ electum Principem.*

## ODE . V.

P Vrpura quid præstat, clarum genus, aut acerbus auri,  
 Sedesuè toto fulgurans Hydaspe  
 Trans famuli sublata caput gregis, ambiente summam  
 Stellante peplo, flore gentis imam?  
 Id nempe, vt densa videant face subditi potentem;  
 Tendatur index; confrematur, Hic est.  
 Sed bona, quo fremitu, sit cautio: sibilantis, annè  
 Plaudentis isdem vocibus ceteruæ.  
 Actus habet varium tantummodo. Sapientis fit index  
 Infamis, & laus stat probrofa nasi.  
 Atquè irà suspendisse Midam Phrygas asserunt onagruini,  
 Pellamque doctos extulisse reges.  
 Flamma est, crede mihi, diues gradus: vt lucerna noctem,  
 Externa sic hæc explicant recessus  
 Pectoris humani, ponuntque palam latentis acres  
 Virtutis ignes, indolisue culpam.  
 Solem ex luce vetat quid cernere? Principemque in ostro  
 Ardentè celsum mundus intuetur.  
 Viderit ipse oculum. Nos te tamen, hac virentis æui  
 Gemmâ, Srorum præsidem stupemus,  
 MAIDALCHINE, nouum Phœbi decus, arbitri prioris,  
 Diuumque proni muricem veremur.  
 Obscuro posthac discrimine nos Apollinare  
 Mutasse numen sentiemus omnes.

Vt

LYRICORVM LIB. I.

Vt iuuenis fuerit semper Deus, ac poësis auspex;  
Inpubis & tu, fautor & Camæna.  
Illi si Vranie, tibi Olympiæ barbiton canoris  
Aptare neruis, & modis renidet.

AD S. FRANCISCVM DESALES,  
EPISCOPVM GENEVENSEM.

In eius Apothœsi ab Alexandro VII. P. M. ritualibus  
cæremonijs effata, celebratâque in basilica D. Petri,  
19. April. 1665.

O D E . VI.

I Am plenis rutilat clarus honoribus,  
Maiorique iubar fulgure proijcit,  
Solis more librantis  
FRANCISCVS medium diem.  
Talem quippè, sator terrigenum, Deus  
Fixit seposito cautiùs è luto  
Cœli Herœa futurum;  
Talem credere tradidit,  
Solenni roseæ lampade gloriæ,  
Præuectum populo sidera Pontifex;  
Cui stat limen Olympi  
Toto mobile cardine,  
Quo mens cunquè volet nomine vertere;  
Seù fontes abigit, siue merentibus  
Dextrâ clave recludit  
Axem coetibus aureum.  
Hoç te iure sacris conspicuum insulî,  
Baçcato lituo, & puniceâ stolâ  
Immisit, bone Pastor,  
AEterni indigetem poli.  
Lux, nec mensis erit post Cytheriū;  
Mutat festa dies turpia candidis;  
Longè Flora facessat,  
Cum Baçchœ valeat Ceres.

Hinc

Io IAC. ALB. GHIBBESII

Hinc diuina virum flamma dabit graues

Aprilis tirulos, sanctior aspici :

Dicit Paula Kalendas,

Idus proferet Allobrox.

Quam dispar Veneri copula cœlitum.

Franciseis ut vtrisque altera gratia.

Illum Roma dicauit;

Nunc signat minio nouum,

Fastorum memores quo moneant libri

Instaurare decus thuribus annuis.

Ambos Gallia plaudit

Dulci mittere de sinu.

Centum parte aliâ sibilat anguibus

Fœdo Lerna laçu : Lerna SALESIO

Quantum infensa Lemani,

Victori velut Herculi!

Frustrâ : nam meritas hoc magis aggerat

Laudes, ætherei præmia pectotis,

Linens ut crepet Hydra,

Mitis Relligio modis.

Virtuti geminos addere turtures

Prægestit, niueæ ternaquæ luminæ

Ceræ ; congrua factis

Argumenta nitentibus.

Ut Petri superant culmina turtures,

Et splendent vario fornice lumina;

Sic te, SANCTE, sequemur,

Lactisquæ & facis æmuli.

## AD GVALTERVM ASTONVM.

Quando secunda iam legatione apud Hispaniæ regem  
perfundus redibat in Angliam.

## O D E VII.

F Elicem dubijs haud ego nutibus

Regnotum impositum gratulor exitum,

Diu-

LYRICORVM LIB. I. 11.

Diuīsumquē teneri  
 Constanti populum fide .  
 Non regem Hesperium, & purpureæ togæ  
 Fratrem, quiquè Aquilas imperij tenet ,  
 Per te cautus amicos  
 Nostræ laudo Britanniæ .  
 Phœbumquē oœciduis fluctibus emori ,  
 Ac nasci temerè; cum Thameſi Tagum  
 Vno pendere sensu  
 Vectigalia Nereo .  
 Ingens consilium, & mentis opus tuæ ,  
 O GVALTERE, sacrum . Facta perennibus  
 Scalpentur monumentis ,  
 Et fasti memores canent .  
 Nos iucunda soli, nos salis æquaora  
 Optamus redeunti, & facilem Iouem  
 Largiri tibi soles  
 Albos, claraquē Deliae  
 Semper cornua; seu nira perambulas  
 Hispanæ Cereris, seu liquido patri  
 Gestis credere pinum ,  
 Gratam seu teris Angliam .

ALMERICO ESTENSI, PRINCIPI,  
ALVMNO SVO.

Valentiam Cispadanam à Francisco patre , Mutina  
 Duce , gloriose expugnatam gratulatus , herōis eum  
 tanti exemplo ad laborem , ac vere virtutis laudem  
 incendit .

ODE VIII.

V Allum rupit iō victor, & Insubruis  
 Ignatas Aquilas mœnibus intulit , ALMERICVS  
 Arma interquē tubas, raucaquē tympana  
 FRANCISCVS, gravis aspici .  
 At nunc composto pectoris impetu ,  
 Decedant fidibus glassica Lydijs ;  
 Illud ,

Illud, Musa, mihi porrige barbiton,

Tantæ carmen adoreæ

Dignum dicere, quo Terrigenum fugam

Pæan magnanimo concinuit Ioui,

Aut vis AEacidae tollitur, aut saçrum

Raynaldi proavi decus.

Raynaldus sobolem tentat ad ardua

Sempèr; Solis uti rex volucrum genus

Obuertit radijs. Plurimus hinc domo

Creuit Cæsar, & Hercules.

Nec tali sapiens defit origini

Alphonsus, nec erit nominis indiga

Francisci pietas, iura volentibus

Hic dum vir populis dabit,

Princeps iure triplex, Mercurij modo,

Quem Memphis coluit. Pulvare collini

Præfert ipse tamen corpora Martio,

Regum insignibus aureis.

Hæc mentem, memini, pacis in otio

Pascebat species, cum iaculo horridus,

Castrensiq; sago, rettulit asperas

Prædas montibus auijs.

Felix, egregiam cui bonus indolem

Affudit genitor! non humiles agit

Curas; usque mouet maxima; congener

Ignis ceu petit æthera.

Te talém, alte Puer, seminis æmulum,

Sicut spem Latij Tros pius alteram,

Vel claris Macedo laudibus inuidum,

Estenis genuit parens.

Audi, facta patris quo tulerit metu

Pellæus iuuenis, non sine gaudio

Doctoris, properi lumina tergere

ALMERICE, madentia.

Ergo cuncta metet dextra Philippica?

Nostris nulla seges surget honoribus?

Quas nato sereret, prò pudor, undique

Lauros is prior occupat

bulli

At no-

At nostrum omne lucrum : stertere scilicet  
 Nostrum est . Qui domuit, pleniū imperat ,  
 Heu ! mundum breue opus vincere ; tu mihi  
 Orbes, Iupiter, obijce .  
 Laudatos gemitus ut premeret senex ,  
 Mundos, vanus ait, Democriti tenes  
 Dulcis mille puer : mille tibi cadent  
 Magno purpurei duces .  
**ALMERICE**, vides (cura mea, & decus)  
 Albos patris equos cire Valentiam :  
 Pompam tu Solymis hanc imitabere ,  
 Majorum imperij sequax .

## AD LVCAM HOLSTENIVM.

*Optimum, ut in humanis, statum esse ægritudinem, quæ  
 nos facit optimos, quamdiu habet infirmos.*

## ODE IX.

**M**E super starus admonuit languentis amici ,  
 Corda hominum tum denique recto  
 Viuere amica magis, superisque assuescere rebus ,  
 Morbo dum, macieque premuntur ;  
 An quia carnis inops mens explicat aptius alas ,  
 Et patrios consurgit ad ignes ,  
 Exilij impatiens, terræ damnata sodali ?  
 Infirmos circumspice coetus ,  
 Quos dolor affixit pigro febrisque cubili :  
 Ecquem non sano meliorem ,  
**HOLSTENI**, inuenies, & versis sensibus æquum  
 Cœlicolis ? præstare saluti  
 Ut videatur morbus ob hoc, quod sit gradus axis ,  
 Et vitæ certa arrha beatæ .  
 Hunc & auaritia, & lucri scelerata cupido  
 Nil mouet, aut spurcissimus ardor  
 Discinctæ Veneris . Non seruit amoribus ille ,  
 Ambitos nec curat honores ;

Teminit

Temnit opes . Quamuis fortunæ munera parua ,  
 Quippè relicturo, satis ampla .  
 Tunc regnare Deum, mortales ire minores  
 Scit pallens, ac scire fatetur .  
 Pectore liuor abest, poterat qui causa laboris  
 Esse noui, fraternaque turba  
 Vindicta, atque odium; ventri referendus eidem  
 Et metus, & simulatio turpis .  
 Despicit ut nullum, sic nec miratur : acerbis  
 Obliquat rumoribus aurem ,  
 ( Sirenum scopulos qualis vitauit Vlysses )  
 Cuncta prior laudare paratus .  
 At rigui fontes, at balnea frigida curæ ;  
 Vsta sibi quæ somnia febris  
 Tantaleo trahit ore, natat seù siccior hydrops .  
 Hæc oculis, hæc obuia nienti ;  
 Votorum hæc summa . Instantem producere quòd si  
 Detur in altera tempora Parcam ,  
 Quæ promissa facit, cycnum mutandus in album  
 Ex coruo ! quæcumque supersit ,  
 Nàm fore, ut apponat studijs cœlestibus horam ,  
 Ciuis humi iam dignus Olympo .  
 Ergò, Socratice prolixa volumina barbæ ,  
 Chrysippus virtutis alumnos ,  
 Quod Plato, Pythagoras, & sancta docere Lycea  
 Conantur sine fine sequaces ;  
 Possum ego (des veniani) paucis, ô clare Sophorum ,  
 Id tibi commendare, mihiq; :  
 Scilicet incolumes pergamus degere, quales  
 Attriti promittimus vtrò .

## AD V R B E M R O M A M :

Non esse, cur sub Alexandro , Principe optimo , pestem  
 ex vicinitate Neapolis multum reformidet .

## O D E X.

R O-



**R**OMA, super ruinas  
 Eminens Troiae, veluti matris ab igne Phœnix,  
 Sanguine, Roma, sacro  
 Semper extantum pugilum sideribus rigata;  
 Præside tuta, Roma,  
 Nunc Alexandro, nimiūm cœlicolis amico;  
 Dic precor, ora fletu  
 Cur madent? passos miserè cur Ianias capillos?  
 Pectora cur ferire  
 Pergis adductis (scelus heu!) exululans lacertis?  
 Cur caput, atquè corpus  
 Ater obnubit cinis, & crinis arat molestus?  
 Quid metuis malorum?  
 Proximæ nūm Parthenopes lethiferum vaporem?  
 Parce metu, benignis  
 Freta promissis Superūm; nec Stygis arma contra  
 Præualitura Romam.  
 Si fidem seruas Superis inuiolata pactam:  
 Si decus axis auges  
 Ianitrix sancto populo, credita sola claves:  
 Si domini vereris  
 Ius Alexandri, nimiūm cœlicolis amici.

## FABIO CHISIO,

*S. R. E. Cardinali creato.*

## ODE XI.

**C**HISI, Latinis addite Patribus,  
 Atquè eminentis lux noua curiæ,  
 Vrbi probatum quem Quirini  
 Virgineæ peperere Senæ:  
 Candore ab illo prouehis indolem,  
 Moresquè firmas integer æmulos,  
 Miscere sanctæ donèc Afrum  
 Iustitiæ placuit colorem.

Sic

16 IAC. ALB. GHIRESII

Sic alma plenam nobilitat Ceres  
Plerumque messem, sic violæ rubent,  
Sic gestit autumnus racemos.

Pingere, Crustumiosquè fructus.  
Abdi parumper, non poterit diu  
Latere virtus. Emicat igneus  
Fulgor per umbram, ceu corusco

Sol piceas fugat ore nubes.  
Pacis sequestrum miserat Vbios  
Urbanus: alti semina pectoris

Exerta per campos patentes

A Ethereum tetigere mundum.

Ingens canoræ buccina gloriæ  
Vrbesquæ, terrasquæ, & procùl insulas

Arrexit omnes. Totus autis

Orbis erat, modò lingua totus.  
Alterquæ tandem nomine Pontifex  
Pulsus, vocato grande palatum

Concessit in partem, ac ministri

Mox titulo, coluitque fratris.

AD ANGELVM CVSTODEM.

O DE XII.

DIVE, periuris inimice turmis,  
Acer in partes Michaëlis alti,  
Cui locum fido dedit eminentem  
Rector Olympi:

Te lyrâ cœli mediumquæ terræ  
Concinam, vitaquæ yagæ magistrum;  
Sedulum, nequid titubet, benignâ  
Duçere dextrâ.

Te sequens olim, nisi perculisses,  
Belluam immanem satiârat, vdis  
Dum sedet ripis, gelido lauandus  
Tigre Tobias.

Quin & ardentes, duce te, qaminos

Veris

Veris experti Zephyros puelli :  
Sicca non tactus Daniel leonum

Ora fefellit.

Tu genus nostrum superis adæquas  
Ciubus, tutor bonus, atquè vindex :  
Post viam, longæ radiata pandes  
Astra quieti.

## IN BONIFACIVM VIII.

*librum Ioannis Ruci, Abbatis.*

## ODE XIII.

**T**V, quandoquè malis plura nitent ardua pectoris,  
Virtutem vitio prætuleris, nubibus ut iubar,  
Praui censor hebes. Cœa Venus non eadem placet,  
Sed quam nœvus habet. Vel maculis stat sua gratia;  
Et Solis roseis vmbra comes curribus insidet.  
Caietanus erat (fac fuerit) nominis incliti  
Venator nimius, perquè nefas ambitiosior  
Romanae cathedræ, dum potuit subdere Pontifex.  
At par imperio, par triplici mens diademati  
Collaudanda viri, nequitiam rasit originis;  
Regnandique dolos vtilitas postera mollijt.  
Nam quis res populi, aut cœlituum, legibus, & sacris  
Fundauit melius? Iustitiae scribere codices  
Idem, per medium sancta Deo findere secula  
Sollers ante alios. Sed quid ago? RVFE, tuam legar  
Verum scire volens Historiam vindicis optimi,  
Rumpaturquè legens inuidiâ Zoilus alterâ.

## THOMAE SOMERSETTO,

*pro sapientia regiae Principi, despecta seculi pompa, in sacram D. Philippi Nerij familiam nomen danti.*

## ODE XIV.

B

Cui

**C**Vi lyram heroi, liquidamquè vocem,  
Musa, prætentas agè, nil Britannâ  
Dixeris lauro prius : eccè SOMER-

SETTVS honorem  
Ambit, àn vitat, satiatus æui  
Laudibus blandi, nimioquè fastu .  
Ergò subduxit caput ; alta clausi

Fama refulget .

Abde virtutem; velùt vmbra corpus ,  
Gloria expandet, metuens fugari :  
Inclytam stirpem tege ; fulgurabit  
Lampadis instar .

Ille, seù cultu pietatis acri ,  
Seù vetustorum serie parentum ,  
Regius sanguis, sub vtroque duxit .  
Nomina signo .

Cæteris magnus, sibi parvus vni ,  
Victor incedit potiore curru ,  
Aureo quānū si traheret ligatum  
Axe Iugurtham .

### A D S T E P H A N V M V A I V M.

*De illius Magdalena paenitente.*

### O D E X V.

**A**Vitas licet æsculos ,  
Syluarumquè truces Orpheus incolas  
Versu traxerit, & lyrâ :

Quanquam Bistonij vertere fluminis  
Lapsum, & terribiles Noti  
Buccas insolito pectinis aëre  
Fas inflare fuit : licet  
Nigrantem poterat carminibus Ioucm  
Delenire : ferox tamen  
Implacata stetit cantibus Euhyas .  
Arrisit Furijs caput ,

Heu !

Heu ! informe caput, nans sine corpore .  
 Tantum est, flectere scemnam !  
 Dicam Thrciciā maius adorā ,  
 Diçam insigne, recens melos .  
**V A I S** Romuleæ gloria curiæ ,  
 Tyrrhenæ genius chelys ,  
 Postquam saxa, feras, duraquæ robora  
 Vocali pepulit fide .  
 Saltare ad numerum, sæpequæ languido  
 Tybfin sopijt alueo ;  
 Postquam Tænariæ limine ianuæ  
 Pertæsum sceleris Reum  
 Vindex eripuit; Thraçæ valentiūs  
 Flexit (credite posteri )  
 Supremo vitream carmine Magdalin .

## AD THEMIN.

*De munificentia FINCHIANA.*

## ODE XVI.

**O** Quæ celsa Iouis templa tenes, **THEMI**,  
 Mater iustitiæ, cœlatum comes ,  
 Auratos, agè, nimbos  
 Gnato deplue **FINCHIO** .  
 Plenas ille manus fundere gestiens ,  
 Plenas usquæ ferat : iam vice duplici  
 Nostris prodiga lammæ  
 Musis præmia reddidit .  
 Plenas usquæ ferat : crediderim breui  
 Tectorum pretio Pegasidum lares ;  
 Nec, quæ lusit ahenis ,  
 Moturam nisi Lydias  
 Chordas Melpomenen pollice candido ;  
**O** & iuridiçæ vim sapientiæ  
 Sustenta, pia mater ,  
 AEquam pro trepidis reis .

20 IAC. ALB. CHIBBESI

Nempè hæc conspicuum sustulit æquitas,  
Hæc & surget adhuc, & gradibus gradus  
Parti annexet honoris,  
Tantum rege minor suo.  
Atqui sidereis fræna iugalibus  
Ponat ritè memor. Non humili dedit  
Exemplum graue furdo  
Iniectus Phaethon Pado.

### OCEANI FELIX AVGVRIVM.

*Appulsum in Angliam, nuptiasque cum Carolo Rego,  
Portugalliae Infanti CATHARINÆ gratulatus.*

### O D E XVII.

**N**eptuno sociam cùm veheret Thetin,  
Pictâ Tiphys ouans classie, Britannico;  
Vectigalis in hæc, Nerçidum choro  
Plaudente, OCEANVS pater  
Rupit verba. Bonâ veneris alite,  
Virgo regia, quam stringere brachijs  
Ardet noster herus, te cupidus parens  
Dici coniuge Carolus.  
Felicem facies, imperium quoquè  
Felix, & populos, ritè puerpera  
Menses ante decem. Iam videor ioci  
Rism cernere mutui.  
Posthinc ad patriæ culinen adoreæ  
Scandentem, ac meritis frondibus inuidum  
Mirabor iuuenem: Græcia cœu duos  
Suspexit Macedum duces.  
Aduentum properum distulerat metus  
Nimirum ille tuis: nè foret Angliæ  
Hæres atquè pugil stirpe Brigantius,  
Aut affinis Vlyssi  
Bellator, manibus, siuè opus artibus,  
Decertare sagax: siç furor hostium,

Vene

Ventorumque minæ, spumaque gurgitis

Te moti pepulit vagam :

Donèc tergemina terreo cuspide

Auctores sceleris ; quâ tibi marmora

Sternuntur dominæ, turaque corripis

Plenis ostia linteis .

O Nauis, tibi quas dixerit Albion .

Grates ; quæque paret debita præmia ?

Diuini merito munera Insula

Fortunata vocabitur .

Nunquam dona tulit machina Pelias

His æquanda bonis ; non similes Ligur

Explorator opes imposuit rati ,

Gazam diuitis Indiæ .

Insignem rutilo flumine crederis

Exhausisse Tagum . Iam precij minor ,

Vt gemmâ caruit principe, liquido

Non curat pede currere .

Huc, huc ferta citi ; inducite aplustribus ,

Et malo viridis stemmata gloriæ ,

Læti Brutigenæ : magnanimo & nouam

Rectori date lauream .

Tu clararum etiam, Carole, nauium

Fies, auspice me : notior ut mare

Sulcet nulla Tigris, nulla superbior

Centaurus variet sinus .

### AD ALCIDIVM PHILELENVM :

alias Ioannem Corunium Verriensem Equitem

Herculeum Græce fidei propugnatorem:

### ODE XVIII.

**O** Alba matris filia Delphicæ ,  
Actæa virgo, quatenus, heu nefas ,  
Iniurioso te Latini

Dente, Fides veneranda, carpent ?

B 3

Quin

## 22. IAC. A. L. B. GIBBESII

Quin peieratis ponis ouans modum

Pœnamquè linguis? Scimus, ut impotens

Doli, puellam fraudulentam

Arte suâ Patareus sefellit,

Et iussit vti, præsciam inanitè

Troiae cadentis. Sic decet impias

Frenare mentes, atquè in orhem

Sæpè lupo reuocare duro.

Frustrà ferentes dona timebimus

Graios; at ipsi ritè timebimus

Nos, ô Quirites: nos maligni

Argolicos superamus astus.

Effare, primam, nuda Fides, tibi

Quis struxit aram? ciuis Achäicus:

Quis te Palatinis dicauit

Aggeribus, nisi Græca pubes?

Tu veritatis, Deucalion bone,

Insurgis author fortis, & hostium

Compescis, ALCIDI, querelas,

Herculeum meritus corymbum.

## AD KENELMVM DIGBAEV.M.

*Nauis cum vehenti in Italiam, ipsiquè ad eò Romanum proficisci Legato incolamitatem, remquè bene gestam precatur.*

## ODE XIX.

I Am terra inertem vertet ouans vicem

Gratis reducti veris honoribus,

Floresquè ripis mòx datura, &

Arboribus sine fraude gemmas.

Mitescet aurâ frigus amabili,

Soluetur humor durus ad igneas

Alas Fauoni, culta nuptæ

Ambrosio vegetantis ore.

Stridensquè siccas machina protrahet

Naves in æquor; garbata Thraçis;

De-

Depromet aspirare ventis  
Veliuolo Palinurus alto.  
Tu septicollem visere curiam  
Vt cunquè gestis, templaque Romuli,  
DIGBAEE, securus marino  
Crede Deo, volucrìque puppi.  
Hoc nempè Nereus obsequium tibi  
Debet, quietum nunquam alijs mare  
Sulcare quærenti, sed horrens  
Cædibus, & rabido crux.  
Contrà cadentum, dextera quos tua  
Demisit Orco. Scimus, ut insolens  
Potor Timavi longiores  
Viter aquas, Scythicosque portus;  
Ex quo, vaganti fræna proteruiæ  
Dux induisti maior, & acriùs  
Ioçans remisisti propinquum  
Nôsse Padum leuiore damno.  
At nunc Britanum Palladiâ statum  
Tractas oliuâ, scodus & insulæ  
Legatus; Urbano approbante, ac  
Purpureo medium Senatu.  
Ibis, benigno Sol ubi mitior  
Affulsi astro lanigeri ducis;  
Vel raptor Europeæ inuenius  
Emicuit; pueriue Ledæ.  
Quâ luce, amicis, ô equitum decus,  
Quo mense nescis ponere; sed trium  
Vnus legetur, quo relinques  
Heu! patriam, lacrymasque certus.  
O, quæ potentem cunque vehes, Ratis,  
Herœa, soluas alite candidâ;  
Oræque subducas Latinæ  
Incolumem sine nube victrix.  
Sic te gemelli sidera Castoris,  
Sic te priorum lumina mensum  
Amica spectent, nè dolosis  
Ludibrium scopulis ferare.

## 24 IAC. ALB. CHIBBESEN

Sic vela blando tendat Iapygi,  
 Claudatquè fratres AEolus hispidos,  
 Saltare sic Triton aquosas  
 AERE Deas, moueatquè pisces  
 Circum carinam. Non aliâ freti,  
 Quàm vidit Argò, forte periculum  
 Posthac lacestas, tuta ventis,  
 Tuta salis vice, tuta cœli.  
 I, iam receptus finibus Italis  
 O magne, ad Vrbem. Te cupidâ patres  
 Cum plebe, festiuſque ludis,  
 Corripiunt taciti morantem.  
 En Pontifex te tergeminâ caput  
 Velatus umbrâ, & sede sedens flagrat  
 Audire iam nunc, & patenti  
 Flexanimam bibt aure vocem.  
 I, perge felix. Linque negotio  
 Felix peracto moenia Marſpitris,  
 Gentemque muta Barberinam  
 Gente tuâ, Thameſique Tybrin.

S A L V A T O R I R O S A E,  
PICTORI, ET POETAE EXIMIO.

*Mirificam aule naturam enarrat, quæ quos tantulum extulit, plerumque excœcat. Nonnulla de ipsius Inuido per satyram expresso.*

## O D E X X.

V T lectus pâuit! non liquidis ora coloribus  
 AEquâſſes proprius (docte, ROSA, effingere, vel loqui  
 Ad viuum pariter, quicquid amas) inuida Zoili.  
 Distortis sed erat tum facies comoda moribus,  
 Hirquis trux oculis, vel tacito cognita nomine  
 Spectanti Satyram, cœū speculum. Frontis imaginem  
 Nunc mutate decer, cætera nil tangere. Principis  
 Ex quo celsa subit limina, præstringere nobilis

Fungo

Fungo lux aciem, nec geminæ parcere pupulæ,  
 Deturbata cauis quin sonitum sedibus ederet.  
 Hoc aulæ proprium, degeneres tollere, dum crepant:  
 Bullas inflat uti Caurus aquæ, rumpere mōx celer  
 Spumosas animas. Mōmus iners, cernere Lynceus  
 Re maiora, simūl corripuit zona Palatiū,  
 Quæ sunt ante pedes luminibus præterit inscijs.  
 Ipsum transiliit me Pyladen sēpius obuium.  
 Tantum est: verso iterū tu Polyphehum fodias stylo!

## DE S. MARIA AD NIVES.

*Scipio Marchio Sanctacrucius eo die dicens frequenter  
 Academiam celebrauit.*

## ODE XXI.

M Ater maxima virginitas,  
 Virgoquè ingenuo flore puerpera,  
 Et diuina modestia  
 A Equari niueis poscit honoribus.  
 Fixit me MARIAE decor  
 Lucentis Cyprio sidere gratiūs:  
 Fixit mira sagacitas,  
 Et virtus generis cōscia regij.  
 Albæ prodigium nota:  
 Cingens Exquilias, & via lactea,  
 Ut cœli dominat exprimunt!  
 Diuæ quām merito cōcolor est domus!  
 Addi nescio quid tamen  
 Exoprabat adhuc virgineus rubor:  
 Hoç Crux Sancta remisquit:  
 Tinget nulla pari sanguine purpura.

## AD PHILIPPVM PORTERVM

*puerum septennem.*

ODE

## ODE XXII.

**C**Resce formosæ puer albe matris,  
Digna tam magno genitore proles  
Cresce, fratnos properisque vincere  
Mensibus annos.

Te Deæ natum Paphiæ seuerâ  
Lege iurareim, nisi quod Cupido  
Gratijs gaudet Veneris tribus, te  
Mille sequuntur.

Sic tuam matrem Cyprin ipse vultu  
Crederem falsus, nisi quod Venus se  
Vnicâ gaudet, Veneres at illam  
Mille coronant.

RAYNALDO CARD: ESTENSI,  
AD VRBEM PROFICISCENTI.

*Romanum illius magnificentiae, ac rerum præclarè gestarum dignum theatrum fore.*

## ODE XXIII.

**I**Bis Troiugenum celsa Quiritium  
Longo tecta & opes visere limite  
Turbæ ritè sequacis,  
Primis non sine ciuiibus,

**RAYNALDE**, à veteri nobilis Atio,  
Princeps. Ibis ouans aduena tertium,  
Ex quo purpura clarat  
Te sacrum Latij patrem.

Eheu! præcipitem quæ fuga propulit  
Me sic Urbe procùl; quæ cohibet mora,  
Ut deducere fulgens.

Non possum ad Capitolium?  
Illic continuis Martia plausibus  
Gens cum voce manus dexter, ac nigræ

Noctis

Noctis signa resoluet  
Tortorum artibus ignum.  
Illic flore vias, & Babylonij  
Cernes, quā graderis, diuitijs domos  
Arridere curuli,  
Occentantibus vndique  
Centeno ore tubis. Tunc, bone Galliae  
Custos, tunc &c, iō Lusiadūm pugil,  
Fas audire, triumphē,  
Quouis vrbis ab angulo.  
Quid mirum, grauibus par vbi Gallia  
Sensit consilijs pectus ; & alito  
Rixam finiet albā  
Hæres verus Vlysseli?  
Librat sceptrā Deus lance superbiæ  
Plerumquē : ac tenuem sāpē potentior,  
Vt balæna filuros,  
Absorbet : celeri tamēn  
Sors hunc, si libeat, restituit vice, &  
Tantundem trutinam pendet in alteram  
Multos perditus annos  
Rex uno eminuit die.  
Regem plebis amor, non dolus efficit,  
Non vis. Herba malis est patientia ;  
Cui nec Phasis amatrix,  
Nec Circe similem leget.

IN D: FRANC: SALESIVM HYMNVS.

O D E X X I V.

**L**aetâ Franciscos capit vsquè cines  
Aula cœlestis . Micuere magna  
Nomen & fidus, nec inane cuiquam  
Rite precanti :  
Siuè ferratas Nomadum catenas ,  
Siuè palleret rabiem Charybdis  
Naufragæ, vel quæ mala luctuosus  
Astruit orbis , Tu-

Tuquè stellato generosus axe  
Suplices audi, releuaquè fessos  
DIVE ; si nomen benè prætulisti,  
Si benè sidus .

O, iuves cunctos dubijs periclis :  
O, regas falsos Cynosura passus :  
More jam noto tibi, dum caduca  
Vita manebat.

Nam quis horrendæ fera bella nescit  
Viperæ, ad ripas olidi Lemani ?  
Quale non monstrum genitrix creavit  
Lerna draconum .

Herculis certâ vice fabulosi  
Belluam vindex tutudit SALESVS :  
Turba iam defit capitum, furorquè  
Mitiùs ardet .

Sic gregem pastor tenerum Gebennæ  
Fixit in tuto . Volat inde circum  
Gallia tractus, utriusque portans  
Signa salutis .

Languidum his corpus, medico stupens ,  
Gliscit accessu ; vitiosus illos  
Deserit mentis status ; alba cunctis  
Stella resulfit .

Ordines at nunc speciosus heros  
Inter acceptus Superum beatos ,  
Iure subiectam potiore terram  
Cernet amicè .

Cernet antiquos placidus clientes ,  
Nec nouis vultum renuet serenum ;  
Rebus aduersis opifer, secundis  
Tutor & auspex .

Fac ita : oramus, venerande Præful ,  
Corde deuoto, genibusquè curuis :  
Fac ita : exemploquè doce trahenti  
Carpe Olympum .

Si tibi, sacrâ redeunte luce ,  
Hostiam festas niueam per aras

Romæ

Roma dissoluit, liquidoquè templum  
Halat odore.

Nos Deo semper resonemus vni,  
Gloriam Patri, Soboliquè laudem,  
Flamini Sancto decus, hinc in omne  
Temporis ævum.

## FLAVIO CARD. CHISIO.

Romanæ tutelam Academiæ ipsi à patruo, Sum. Pone,  
commendatam SAPIENTIA (id enim gymnasio no-  
men est) immortaliter gaudens gratulatur.

## ODB XXXV.

**R**omanus merito cùm Pater adderet  
Post ostrina Tyri vellera FLAVIO  
Docti regna Lycei;  
Centum plausibus artium  
De cœlo resonis, vox SAPIENTIAE  
Audita est iuueni. Macetè nouis, noue  
Rex, virtutibus esto,  
Et factis patruum refer.  
Non Cyri studio, aut Herculis indoli  
Posthac inuidas: te vitij via  
Nunquam flexit inertem,  
Tu clarum sequeris decus.  
His altum gradibus iam Capitolium,  
His quondam rutilum moribus æthera  
Scandes victor, amantum  
Inter vota Quiritium.  
At serò! genibus numina flagitant  
Curuis: ô potius tutor ames diū  
Cum Pastore supremo  
Spectari cupidi gregis:  
Hic, hic sollicito ut Mercurij iubar  
Affulge populo: Sol micat aureus;  
Currum Solis at ille  
Indivisus agit comes:

Ma-

30 IAC. ALE. GIBBESII

Magnus, fac, roseo pastor Apollini

Stellarum similis motibus imperet :

Terræ te globus imæ ,

Felicesquè vicarium

Prouisit homines ritè negotijs

Agnoscant dominum . Quis bona mentibus

Largiri valet æquè ,

Aut defendere munera ?

Nostras ô igitur respice porticus ,

Et deuota fons pectora Palladi ;

Vt, te præside, Roma

Pœciles habeat Sophos .

### AD LAELIVM VRSINVM.

*Auroram Musis amicam esse.*

### O D E   XXVI.

L A E L I , compositas dedere iam manus

Cogor, docte, tibi . Somnus inertiam

Sacris degenerem vatibus, heu, parit ,

Parnassi parit incolis .

Namquè hac, crede mihi, nocte Aganippidos

Lymphæ visus eram ducere pocula ;

Hinc & Gorgoneo celsus in alite

Musarum ad virides domos ,

Cyrrhæumquè nemus feruidus euehi ;

Lesboäm increpuit cùm Polyhymnia

A tergo citharam, mequè peracribus

Illusit tumidum iocis .

Huc, huc ô proprius ; Castaliæ retro

Diuæ cedite : mons èn patet arduus

Soli, magne, tibi . Parta soporibus

Quanti gloria nominis !

Quantos, Somne, viros castra ferunt tua ;

Doctos quāmque breui ! Turgide, lūntes

Spe-

Sperasti Aönios gressibus impijs,  
Et fœdâ latices gulâ  
Phœbæos temerare? hinc procùl aufuge; i,  
Cycni conde pigrum vellere nunc caput,  
Totos sterre dies: Memnonis integræ  
Matrem Pierides colunt.  
Hac arte Ogygius carmina Horatius,  
Hac arte Aufonius carmina Pindarus  
Effinxit. Veniens pluribus alloqui  
Musam deuetuit dies.

AD FONTEM A<sup>Q</sup>VOREAM,  
IN AGRO TIBURTINO;

*ad Bernardino Card. Spada, Episc: Tusculano, instauratum, atquè Aquam Auream nuncupatum.*

## ODE XXVIL

A Vream cantemus Aquam, sonoros  
Fontis assultus imitante plectro,  
Ponte dum victrix Aniena ridet  
Serpere fusum.

Aureæ laudator Aquæ, pudendas  
Barbaræ voces prohibeo plebi:  
Tusculi lustrat pater; hinc nouari A-

QVOREA plaudat.

Vere quam fertis redimiuuit albis,  
Tinget Octobreis vitulo sub Idus;  
Nos meri soluet populum minorem  
Concha Lyæi.

Nam quid hoc usquam prius est recessu?

Gratior Nymphis locus? ô calorum

Dulce solamen, medio vel æstu  
Potus & umbra!

Tu nec Herruscæ, neque( me canente)  
AEliæ quidquam reparata villæ,

VNDA.

32 IAC. ALB. GHIBRESTIT  
VNDA, debebis. Tuus ampla Princeps  
Pectora vincit,

CAESARI RASPO NO.

Natalis Rondinini, doctissimi iuuenis, qui erat Pontifi  
ci Maximo ab Epistolis ad Principes, immaturum  
obitum ne ferat agrius.

O D E XXVIII.

M Olis ruinam credimus arduæ,  
Vt cunque totas par fragor impulit  
Aures: & insignem Quiritum  
Per lacrymas cecidisse florem,  
Omni profusis limine questibus,  
Urbs grata planxit. Sed posuit modum,  
Non semper aspersurâ Parcas  
Egregij nece Rondinini.  
Captoque tandem nominis omne,  
Natalis esto verius hic dies,  
Lætata dixit, quo supremam  
Ingreditur nouus hospes aulam.  
Illiç beatam pro merito incipe  
O sancte vitam, fine perennior;  
Tellure nos imâ caduci  
Fata moramur euntis horæ.  
Vestrum putandum est vivere, Cœlites,  
Inter Deorum gaudia: tristibus  
Vaçare curis, & perire,  
Exilij decus omne nostri.  
Necessitatem sic sapientia  
Virtute mutat; nil faciem rei  
Mirata primam, per latentes  
Insinuat penitus medullas.  
Demas cupresso fas quoquè corticem,  
RASPONE CAESAR; quid speciosius?

Quām

Quam veste nudatam marinâ  
Explicit Cythiréa gemmam?  
Cœlum atquè stellas, & populum ætheris  
Mors scabra dulci pro nucleo tegit,  
Optanda victorum caterus,  
Gloria queis, & honoris ardor  
Suffixit alas, & super extulit  
Mortale pondus, Non muliebriter  
Illi recesserunt ab vdis  
Terrigenū domibus vocati.  
Tu nè recentis plausibus obstrepe  
Herōis, vnam spargere pertinax:  
Amicus incassūm, quietā  
Si sequeris reuoçare sede.

## AD SODALES.

*Laudes pertexit Io: Veslingy, Equitis, anatomici Patrini, magistri sui, ob proximè habitam dissectionem.*

## ODE XXIX.

**A**T imperato fræna silentio  
Laxare par est. Non ego Socratem  
Tractabo nodosum, **SODALES**,  
Vsquè, nec intemerata Coæ  
Præcepta mentis, Castalidum sacer  
Vates. Recessus Pietios iuuat  
Obire plerumquè, ac tacentem  
Voce nouâ reparare buxum.  
Atqùi medentum diffugio choros  
Paulùm reductus sic temerè, tamen  
Heröa gratus non caduco  
Pœonium celebrabo versu.  
Te, Liuianæ gloria porticûs,  
**VESLINGI** eques, dicam; altum & adorè  
Tollam superbâ, quam vel Albis  
Inuideat, patriusquè Rhenus.

C

Quæ

Quæ prima fainæ gesta perennibus  
 Inçido saxis ? nominis ad tui  
 Caligat aspectus nitorem, &  
 Mentem hebetat radiata virtus.  
 Virtus capaci pectoris ambitu  
 Inclusa miris fulgurat istibus,  
 Arcetquè, nè paruâ laceſſam  
 Carpathium pelagus phaselo.  
 Tu magna priſci nomina ſeculi  
 Raris adæquas artibus, ingenî  
 Felix, potenti ſiuè Pitho,  
 Seù numeris liber ire Cliūs.  
 Hoc ore diuinum, Iäpeti velùt  
 Hæres, & ignem, membraquè corporis  
 Disſecta mortalis docebas  
 Nupèr, & interiora caluæ.  
 Quantus magistris, quantus erat bonæ  
 Sudor iuuentæ, cùm propè singuli  
 Aſtare pugnarent cathedræ, ac  
 Ambrosium bibere aure ſuccum!  
 Hic, nunc Diòclem, nunc Eralistratum  
 Torto flagellas verbere, nunc Aquæ-  
 pendentis exactos labores  
 Non humili redimis coronâ,  
 Successor eiusdem, & validus pugil  
 Contra obloquentum murniura ; plausibus  
 Iô triumphe ! viue ! toto An-  
 tenoreo resonante cireo.

AD GVLIELMVM GHIBBESIVM,  
 PATREM CHARISSIMVM.

Nihil ſe hac acroſtichorum armilla maius aut melius  
 habere, quod pro ſirenis illi det..

O D E   XXX.

**G** Rata dies : Iani festæ rediēre Calendæ.  
 Vrbe ſolent diſcurrere dona

Ian

Jam totâ, quâm longa dies, per amica domorum  
 Limina . Vos memorate, Camœnæ ,  
 Ipse sacrâ quid luçe feram, vœcamquè parenti .  
 Extremis mercator ab Indis  
 Lucentes reuehit gemmas, procerumquè coronis  
 Munera dat ; proceresquè relegant  
 Virginibus, sponsisquè, bonæ pro pignore mentis  
 Sidonios census, vel odore  
 Gaudentes Arabo manicas, auroquè rigentes  
 Intexto, aut redimiçula collo .  
 Baltheus at, tegmenquè ensi, vel spira galere  
 Baccatis circundata bullis ,  
 Egregiusquè fiber, Galli nunç pileus arte ,  
 Seligitur, quem sponsa marito  
 Mittat amans, virgoquè patri generosa vicissim .  
 Est in more ; negemus amorem  
 Debita persoluendo ? negemus tunc quoquè vitam :  
 Ista sed ex modulo, ac pede quisque  
 Contendat soluisse sua . Non omnibus æquus  
 Impertiuit opes Deus æquè .  
 Non mihi sunt gemmæ, Sidonis non mihi census ,  
 AEquoris aut opulentia rubri .  
 Digna ramaen veniunt gnato conferre parenti, &c  
 Opportuna die dare Iani .  
 Carminibus gaudes ; & erunt mea munera : faustos  
 Terquè quaterquè precantia menses ,  
 Ordine quotquot eunt . Votis, ô rector Olympi ,  
 Redde aures, eaquè omine firma .

ISABELLÆ BORBONIAE,  
 REGINÆ CATHOLICÆ.

Dùm ei exequiarum iusta ad D. Iacobi in Urbe soluerentur .

Rogatu JOANNIS DE VELASCO ET DE LA CVEVA ,  
 Comitis Siruclæ, Oratoris Hispanie ,

## ODE XXXI.

**E**T magna magnam syrmate lugubri,  
Et sancta sanctam poplite supplice,  
Regina reginam vrbs **Quirini**  
**BORBONIAM** gemit **ISABELLAM**.

Sic est : locorum diffusa transuolat

Virtus, nec vlo clauditur ambitu ;

Solers videri, quæ fugacem

Nobilitas comitatur alam.

Eheù, remotæ qualis Iberia;

Iactura ! quæ mens, quæ ratio sedet

Magnō Philippo ! quanta (dixit )

Damna feres populis, adempta

Cui quandò Iustum, & iustitiæ comes

Candor, pudorquè, & relligio, & fides

Vllam, reuertat prisca vt ætas,

Inuenient similem, aut secundam ?

Astræam in astris credidimus globum

Formare ; præfens Diua tenebitur

**ELISA**, concedetquè nomen

Elysio noua stella cælo.

At ô beatis pars melior licet

Adscripta plaudas ignibus, alteri

Sit fas sepulchrales honores

Pendere, Mygdoniâquè funus

Condire testâ . Fas mihi patrijs

Vdam fauillam spargere liljs,

Subdente regnato leone

Colla pyræ, validumquè tergum .

Quàm dedicato digna nites tholo

Iam nunc, & almam poscis adoream ,

Regina, si mortale tantum

**AVAYDA** Juris habet super astra corpus !

Sic Roma . Tantæ Dædale machinæ ,

**VELASCE**, questus desine flebilis ;

Amis

Amisit Hispanus patronam,  
Indigetem peperitquè Diuam.

DE NECESSITATE MORTIS,  
*que omnibus est communis.*

*Ex occasione allati nuncij de prematura morte Guilielmi fratris sui, Galassij Imp. tribuni, anno etatis 22.  
Praga obita.*

## ODE XXXII.

V Rnā mortales citat atra turmas,  
Ec senem miscet iuueni, & clienti  
Principem, iustā tenuesquè iungit  
Lege superbis.

Quisquis insignis Tyriā refulget  
Purpurā, quisquis fera vibrat arma,  
Exuet coccum, rigidamquè Martis  
Exuet hastam.

Mille quem cingunt famuli tyrannum,  
Sortis ignarus dubiæ, seueras  
Æaci voces, metuetquè cruda  
Iudicis ora.

## IN ATHANASIVM KIRCHERVM.

*De arte magna lucis & umbra.*

## ODE XXXIII.

Q Vicquid per omnem Delius ambitum  
Cælique, terræquè, & maris, & Stygis,  
Fulgente configat sagittâ  
Purpureum iaculatus ignem;

Et, quæ beatis exulat arcibus,  
Regina noctis, quantum Hecate triceps

Cum plebe stellarum, soporis  
 Possit equis, piceoquè curru ;  
 Tum quid Lyceum, doctaqué Pergama ,  
 Vel Thuscus augur, vel Babylonius ,  
 Colchiuè messores veneni  
 Eliciant facibus gemellis ;  
 Mirè diserti prodigus eloqui ,  
**KIRCHERE**, narras ; atquè sc̄ientiam  
 Expertus, incedis per orbem  
 Sidereæ fabricator artis .  
 Non Archimedi notior ætheris  
 Crystallus olim : nec radio globum  
 Terræ Phalantæus redemptor  
 Scripscrat imperiosiore .  
 Posthac nefas depromere fabulam  
 Gibbi sub axes Amphitryonidis ;  
 Comparquè sublatis columnis  
 Risibus excipietur Afer .  
 Tu quippè celsæ pegmata curiæ  
 Fers irretorto vertice saniùs ,  
 Rodente successoris ambos  
 Inuidiâ Telamonas atrâ .  
 Fraterna summi regna etiàm Louis ,  
 Ac Magna mater, quâ patet vndique ,  
 Carcerquè ventorum infrementum, &  
 Præcipites Phaëthonis oræ ,  
 Quandoquè mandas, se tibi cardine  
 Toto recludunt . Dædala consciū  
 Natura te confessa rerum ,  
 Exiguum penetrale culpat .  
 Ergò fauenti luceat alite  
 Ars magna mundo, nec speciem pigræ  
 Affectet umbræ, ni magistris  
 Instituat populos tenebris .

S. C A

S. CALOCERI MART.  
Translatio ab Urbe Roma ad Sabinos.

In ade Neriana Sumille (vbi erat Regillus olim) RV-  
BEORVM gentilitiae arcis, à Petro Francisco Patrisio  
Romano, gentis Rubeæ columine, inde oriundo, ma-  
gnificentissime consecratur, ipso perpetuationis sub De-  
cio Imp. anniversario die, XIV. Kal. Junij.

## ODE XXXIV.

Vrgines rapras, placidumquè regem,

Et nouos Claudio p̄eunte ciues

Fassa deberi Curibus, rependit

Fœnore Romia.

Tot bonis æquum, CALOCERE, pondus

Mitteris lætos sacer ad Sabinos,

Cede spectandus, velut vda rupta

Balsama ligno.

Seù Palæstinæ generosa sylva

Filia, oppressis fera colla ramis

Surigit victrix, sibi & ipsa nutrit

Palma coronam.

Quid tibi durus nocuit tyrannus?

Fortior duro steteras tyranno:

Perculit corpus; leuis occupauit

Spiritus astra.

O vbi fusis variata guttis

Stella colluces, radiosque stringis?

Vnde dilectam Latij, rogamus,

Aspice terram.

Si caput transfert mutilumquè truncum,

Prodigo sumptu dominus Sumillæ;

Sancta nec parçunt adolere templo

Thura Quirites.

## ADMVSAM.

*Rogat, ut cantum dicet sua Lyrae, quo deliniet  
Mecenatem.*

## ODE XXXV.

**P**vlchro docta nouum cārmen Apolline,  
Insuetumquē melos præcipe, Pieri,  
Vati, mōx liquidam sollicito bonā  
Vocem reddere tibiā;  
Seū mauis, tremulæ cantibus impigro  
Admīscere lyræ. Dicitur hac ope  
Mecenatis amor, melle potentiūs  
Circæi magico scyphi.  
Quantò quisque choris fauit amicior,  
Vinctum Musa trahet, quò lubet, autibus:  
Sirenas Siculum non habuit mare  
Fonti Gorgoneo pares.  
Acti volue memor temporis indicem,  
Haud ingrata Deo cārmina fecimus  
Olim, Castalios cùm latices mero  
Vertit, rupe palatum.  
Tanti nunc, ERATO, fac meriti decus  
Clarum postgenitis. Fleste precor, precor,  
Molli corda fono, non aliter ferum  
Quām Pellæ fidicen ducem.

## AD ARTHVRVM HOPTONVM.

*Quo tempore Legatus Magne Britanniæ Regis in Hispaniam missus Matritum attigit.*

## ODE XXXVI.

**H**uc ô virorum quisquis amicior  
Anglis, & alto Brutigenūm duci;

Re-

Regnique rebus, huc frequenti

Vota choro, meritasque mecum

Exolue grates . Notus Iberiani

Reuisit hospes sidere candido ;

Regisque legatus Britanni in

Austriacam penetravit aulam .

Hic ille vita putus, & ingenii

Felix aperti, cui scelus impotens

Durare, sacratam bilancem

Virgo dabit fugitura cœlum .

Et quæ reposcit supplicium Dea

Erroris acti non teretem abnuet

Ensem, Quirinalesque fasces,

Aut rutilum Nemesis tribunal .

Hic ille doctæ Palladis artibus

Effictus, æquo cui benè puluere

Certare Nelides repugnet .

Eloquij, varioque tactu

Rerum atque regum . Vicerit ardui

Interpretem axis, nec sibi virgulam

Desiderârit, nec renatas

Ex humeris pedibusque plumas .

Seu dura quærat pectora principum

Mollire, longas seu calor incidit

Tentare terras, non morantem

Raptat amor leuiore curru .

Nupèr stupebam, cur solito magis

Dies niteret, cur veterem soror

Titanis usurparet ignem ,

Docta nigris equitare bigis .

Mirabar agros versicoloribus

Florum tapetis sterni, & Iapyga

Mulcere germanis ligatis

Ambrosias sine nube frondes .

Festum putâsles connubij annum

Seruare Chlorin cum Zephyro, nurus

Vel regna subtili tyrannum

Aeolium recreare flatu .

Tunc

Tunc & serenæ marmora Tethyos

Stetere longo tura silentio;

Narrantque per littus iacentes

Somnum oculis petijisse phocas.

Sic nempè partes condecuit suas

Aptare Diuos : scilicet huc gradum

HOPTONVS, ingens cura Divum, &

Charus honos hominum ferebat.

Salve Britanni publicus otij

Minister, albo intraueris alite

Sedem Philippi, Carolusque

Det meritos reduci triumphos.

### IN CATHEDRAM D. PETRI,

ab Alexandro VII. P. M. sumptuose exornatam, &  
illustriore loco Vaticanæ Basilicae piorum venerationi  
propositam.

### ODE XXXVII.

**Q**Væ picta sacræ sella curulum  
Certer cathedræ, cui PETRVS insidet,  
Longæ fatiscenti senectæ

Dente licet, vitioque secli?

Hic Scipionum, siue Metellicos  
Spernam triumphos : hic etiam Louis  
Derisor Elei stupebo

Sidereæ monumenta pompæ.

Palmata non me tam trabeæ nota

Perçussit, ingens clamor euntium;

Albæque victoris quadrigæ

Romuleam cumulantis arcem;

Spectanda quam sic fercula lignæ

Sedis. Colendo nunquam animus satis

Impletur vluâ Gangis omni

Relliquis pretiosiores.

Vincat vetustas quolibet artium

Ful-

Fulgore maior . Quanquam & honoribus  
 Pelliçet obductum supernis  
 Impavidæ Fidei tribunal .  
 Signis & auro lamna rigens thronum  
 Vestit magistrum : quatuor vndique  
 Captare grandæui laborant  
 Iura patres, pariles ephebis .  
 I nunc, seueros quadrijugis equis  
 Confer Solones agmine in altero :  
 Nè desit applausus tropæo ,  
 Mons reboat quoquè Vaticanus ,  
 Cum gente totâ, & voce Quiritium ,  
 Orbisquè mixti ; Viue diù, & rege  
 Felix, ALEXANDER, fidi  
 Iurè gregi venerande Pastor ,  
 Hoc nempe magnorum est operum caput ,  
 Quæ Roma debet, nosquè potentiae  
 Isti ; rot augustos labores  
 Clauigerâ decorare Sede ?

## AD IACOBVM NINIVM,

*alexandro, Pontifici Maximo a supplicibus Libellis .  
 Commune inde gaudium .*

## ODE XXXVII.

E T plausu manuum & pedum ,  
 Et vocis resonis & citharae modis ,  
 Acclamare libet : sacram  
 Curru laurigero ceu tereres viam ,  
 Plebi celsior aspici ,  
 Sectanti rutilæ sercula gloriæ .  
 Miratrix Capitolium  
 Digno turba struit, quæ fauet, arcibus  
 Tarpeij potius Iouis .  
 Haud talem meruit Cæsar adorem ,

Præ-

Prædator populi . Redit

Messis grata loco, quod benè seueris .

Collum non temerè vocant

Multorum capitum vulgus : vt, vnicō

Siquis profuerit semel ,

Hunc blandita colant cætera ; dentibus ,

Quiçunque officiet, fecent .

Mactè istâ niuei pectoris indole :

Gaude fœnore munetum

Sparso inter memores . Vna Quiritium

Vox, votumquè ; velit tibi

Fortunare Deus iam data ; clauiger

Dona augere vicarius ,

Sublimisquè gradus, atquè potentia ,

Crescenti meritis . Decus

Pro te dūm cupiunt, quippè vouent sibi .

### AD ALEXANDRVM VII. PONT, MAX.

*Optatissimam toti orbi persone illius electionem  
decantat .*

### O D E   XXXIX.

**N**unc est canendum, nunc lyra Tēio

Tangenda plectro ; nunc genialibus

Mulcere transactos labores

Hora tulit vicibus, Camœnæ .

Diù negatum, carpere lauream

Hortis amœnis ; dūm violentior

Afflabat Ascræi vireta

Aura iugi, comitesquè fructus .

At non maligno Thespia lumine

Dumeta semper Castalius Deus

Aspexit : optatoquè tandem

Damna potens hilarauit astro .

Regis

Regis futuri scilicet hoc erat,  
Fatale Sidus, Maxime Principum :  
Hoc Montium Custodem auitâ  
Cernimus emicuisse parmâ .  
O prima mundi secula, secula  
Cognata cœlo ! Iam videor boni  
Calcare Saturni beatas  
Corde hominem superante terras .  
Astræa rursùs lœta perambulat  
Telluris orbem ; nuda Fides trahit  
Secum choreas Gratiarum, &  
Implicitas sine nube Musas :  
Quid mirum, vbi altis omnibus cita  
Præcessit agmen, culmine Olympicō  
Delapsa Virtus, vt videret  
Ætherei noua monstra regni ?  
Tu mella duris roscida Quercubus  
Manare, colles tu facis arbiter  
Romæquè, Parnassiquè fratres ,  
Moribus, ingenijsqœ iustus .  
Per te reuicit prodiga faustitas  
Pagos, & vrbes : explicat horreis  
Frumenta stipatis in vsum  
Alma Ceres, pater & vetusti  
Cados Falerni, munera pauperum  
Festiua, Liber . Te duce, candidas  
Induta vestes purpuratæ  
Relligio Crucis arma tollit :  
Quam ponè flexo lumina poplite  
Mundi sequuntur, Cæsar, & ardui  
Cum plebe Reges, ad ruborem  
Thræiciæ opprobriumquæ Lunæ .  
Quanquam feroce te quoquè Sarmatas  
Spes aggregandi pascit, & vltimos  
( Vt cunquè firmâris sequester  
Pace Duos placidâ ) Britannos .  
Iam nunc mearum stat Venetus Leo  
Sententiarum testis, in asperum

Du-

Duratus hostem, per cateruas,  
Sancte, tuas, pelagique vires.  
Testis, rapaces armiger imperi  
Expertus vngues vndique vulturum  
Ales biformis, cui serenum  
Primus eras aperire cælum.  
His dedicati pectoris artibus  
Lucratus orbes, & Capitolia,  
Ingens ALEXANDER, triumphas,  
Tergeminâ redimitus vmbra.  
Nos manè Diuos, nos prece vespere  
Longum rogamus solliciti Patrem;  
Interquæ dilectum supremus  
Ipse gregein numerere pastor.

## AD HYACINTHVM ALEBRANDVM,

*Pinnensem, poëtam.*

## ODE XL.

P Enna natuam tibi fecit urbem,  
Fecit ornatum tibi Penna nomen,  
Penna gentilem tibi prisca parmam  
Format, Amice.  
Quâ super cunctos ope ferris ales,  
Parco mirari: vaga scindis astra  
Mercuri ritu, labra doctus æque  
Soluere plumis.



IAC.